

WIRID-WIRID SETELAH SOLAT FARDHU

Oleh: Mohd Safwan bin Rusydi

Wirid ialah amalan yang tetap atau yang sentiasa dilakukan sama ada dalam bentuk bacaan atau sebagainya. Wirid ini termasuk dalam golongan zikirullah iaitu cara kita mengingati dan bertaqarrub (mendekatkan diri) kepada Allah S.W.T. Wirid setelah solat fardhu adalah sunnah Nabi s.a.w yang sangat dituntut.

Diperbolehkan untuk bangkit terus dari tempat duduk setelah solat jika ada keperluan, akan tetapi sebaiknya berzikir terlebih dahulu bersama imam sehinggalah imam berpaling kebelakang menghadap makmum dan imam tersebut keluar daripada tempat duduknya.

Syarat-syarat dan fadhilat wirid setelah solat

1. Ikhlas kerana Allah semata.
2. Ittiba' (mengikuti cara) Rasulullah s.a.w.
3. Tidak ada penambahan atau pengurangan dalam bacaan wirid tersebut samaada bentuk bacaan wirid tersebut atau bilangan wirid tersebut.
4. Hendaklah dilakukan secara perlahan dan tidak berlebih-lebihan.
5. Hendaklah dilakukan secara bersendirian.
6. Imam dibolehkan untuk mengeraskan bacaan dengan tujuan untuk mengajar makmum.
7. Dihitung dengan menggunakan jari-jemari adalah paling afdhal kerana ia akan menjadi saksi diakhirat.

Contoh wirid-wirid setelah solat fardhu

() -1

1. "Aku memohon ampun kepada Allah" (Dibaca sebanyak 3 kali)

[Hadis riwayat Muslim, dibaca sebanyak 3 kali pada semua solat wajib. Imam Muslim menambah: Aku pernah bertanya kepada Al-Auza'i: Bagaimana cara beristighfar? Lalu Auza'I berkata: Astaghfiullah, Astaghfirullah, Astaghfirullah. (Fiqh Al-Sunnah; Said Sabiq: 1/176)]

-2

2. "Ya Allah, Engkaulah Yang Maha Sejahtera, dan daripada Engkau Kesejahteraan itu (datang), Engkau Maha Pemberi Barakah, Wahai Tuhan Yang memiliki Keagungan dan Kemuliaan"

[Hadis riwayat Muslim, Inilah lafaz yang sahih yang datang daripada Rasulullah s.a.w. (Syarh Al-Sunnah; Imam Al-Baghawi; 1/299)]

3. *"Tidak ada Tuhan (yang berhak disembah) kecuali Allah Yang Maha Esa, tiada sekutu bagi-Nya, milik-Nya segala kerajaan dan milik-Nya segala pujian dan Dia Maha Berkuasa atas segala sesuatu. Tidak ada daya dan kekuatan kecuali dengan izin Allah, Tidak ada Tuhan (yang berhak disembah) melainkan Allah dan kami tidak menyembah kecuali kepada-Nya, hanya milik-Nya segala nikmat. Segala keutamaan dan segala sanjungan yang baik. Tidak ada Tuhan (yang berhak disembah) melainkan Allah dengan memurnikan ketaatan kepada-Nya, walaupun dibenci oleh orang-orang kafir".*

[Hadis riwayat Muslim, (lihat Al-Azkar Imam An-Nawawi halaman 58)]

4. *"Tidak ada Tuhan (yang berhak disembah) kecuali Allah Yang Maha Esa, tiada sekutu bagi-Nya, milik-Nya segala kerajaan dan milik-Nya segala pujian dan Dia Maha Berkuasa atas segala sesuatu. Ya Allah, tiada seorang pun yang mampu menghalang terhadap pemberian-Mu, dan tiada seorangpun yang mampu memberi terhadap apa yang Engkau telah menahannya, dan tidak ada manfaat kekayaan bagi orang yang kaya tanpa kehendak-Mu".*

[Hadis riwayat Bukhari dan Muslim, Bacaan ini juga baik dibaca ketika I'tidal dengan bacaan yang bermula dari: *Allahumma Laa Maani'a lima a'thait...*() berdasarkan hadis Abu Sa'id Ak-Khudri yang diriwayatkan oleh Imam Muslim, Ahmad, dan Abu Daud.]

5- لَا إِلَهَ إِلَّا هُوَ الْحَيُّ الْقَيُّومُ لَا تَأْخُذُهُ سِنَّةٌ وَلَا نَوْمٌ لَهُ مَا فِي السَّمَوَاتِ وَمَا فِي الْأَرْضِ مَنْ ذَا الَّذِي يَشْفَعُ عِنْدَهُ إِلَّا بِإِذْنِهِ يَعْلَمُ مَا بَيْنَ أَيْدِيهِمْ وَمَا خَلْفَهُمْ وَلَا يُحِيطُونَ بِشَيْءٍ مِّنْ عِلْمِهِ إِلَّا بِمَا شَاءَ وَسِعَ كُرْسِيُّهُ السَّمَوَاتِ وَالْأَرْضَ وَلَا يَئُودُهُ حِفْظُهُمَا وَهُوَ الْعَلِيُّ الْعَظِيمُ

5. *"Allah, tidak ada Tuhan (yang berhak disembah) melainkan Dia yang hidup kekal lagi terus menerus mengurus (makhluk-Nya); tidak mengantuk dan tidak tidur. Kepunyaan-Nya apa yang di langit dan di bumi. Tiada yang dapat memberi*

syafa'at di sisi Allah tanpa izin-Nya. Allah mengetahui apa-apa yang di hadapan mereka dan di belakang mereka, dan mereka tidak mengetahui apa-apa dari ilmu Allah melainkan apa yang dikehendaki-Nya. Kursi Allah meliputi langit dan bumi. dan Allah tidak merasa berat memelihara keduanya, dan Allah Maha Tinggi lagi Maha besar''.

[Ayat kursi; Al-Baqarah, 2: 255; Fadhilatnya: Siapa yang membacanya setiap selesai solat wajib maka tiada penghalang baginya untuk masuk syurga melainkan mati. (Hadis riwayat An-Nasa'I dan At-Thabrani); Siapa yang membacanya setiap selesai solat wajib nescaya dia di dalam pemeliharaan Allah hingga ke solat berikutnya (Hadis riwayat At-Thabrani – sanadnya baik)]

(33 ×)

(33 ×)

(33 ×)

-6

6. Maha Suci Allah (33 ×), Segala Puji bagi Allah (33 ×), Allah Maha Besar (33 ×), Tidak ada Tuhan (yang berhak disembah) kecuali Allah Yang Maha Esa, tiada sekutu bagi-Nya, milik-Nya segala kerajaan dan milik-Nya segala pujian dan Dia Maha Berkuasa atas segala sesuatu.

[Hadis riwayat Muslim, Fadhilatnya: Sesiapa yang membacanya selepas solat diampunkan dosanya walaupun sebanyak buih di lautan]

7. Membaca 3 Qul, surah Al-Ikhlash, surah Al-Falaq, dan surah An-Naas.

[Hadis riwayat Bukhari, Muslim, dan Ahmad. (Riyadhus Shalihin; An-Nawawi; halaman 177)]

Sekian, panduan wirid setelah solat fardhu secara ringkas. Selamat beramal.